

**BN Perlu Jadi Alternatif Terbaik Kepada Rakyat Kelantan - PM  
Bernama  
Julai 2, 2011**

**MACHANG:** Perdana Menteri Datuk Seri Najib Tun Razak berkata Barisan Nasional (BN) Kelantan perlu dilihat sebagai alternatif terbaik untuk rakyat dalam usaha parti untuk merampas kembali negeri itu pada pilihan raya akan datang.

Beliau berkata pimpinan BN dan Umno negeri harus bijak mengambil peluang untuk mengupas banyak isu yang kini menjadi 'duri dalam daging' kepada kepimpinan kerajaan PAS Kelantan.

Najib, yang juga Pengerusi BN, berkata kini terpulang kepada pimpinan setempat untuk menonjolkan parti sebagai alternatif terbaik kepada rakyat Kelantan yang selama ini hanya menjulang pimpinan PAS di bawah Menteri Besar, Datuk Nik Abdul Aziz Nik Mat.

"Terpulang pada kebolehan Umno untuk mengupas isu-isu (berkaitan dengankerajaan negeri) dan memberi alternatif yang lebih baik berbanding PAS.

"Ini yang dikehendaki rakyat Kelantan, maknanya, mereka akan buat perbandingan secara mendalam tentang alternatif kepada PAS dan kita mesti memperlihatkan BN sebagai alternatif yang lebih baik berbanding PAS," katanya.

Beliau bercakap kepada pemberita selepas menghadiri Majlis Pemimpin BersamaRakyat dan pasukan bola sepak Kelantan, 'The Red Warriors', di SekolahKebangsaan Machang 1 di sini, Sabtu.

Turut hadir, Pengerusi Badan Perhubungan Umno Negeri Kelantan Datuk SeriMustapa Mohamad, yang juga Menteri Perdagangan Antarabangsa dan Industri, Naib Presiden Umno yang juga Menteri Pertahanan, Datuk Seri Dr Ahmad Zahid Hamidi dan Presiden Persatuan Bolasepak Kelantan (KAFA), Tan Sri Annuar Musa.

Selain itu, beberapa pemain The Red Warriors turut memeriahkan majlis yangdipenuhi kira-kira 15,000 penyokong skuad Kijang itu.

Perdana Menteri mengulas mengenai beberapa masalah yang kini dihadapi kerajaan Kelantan, antaranya isu ladang rakyat dan masalah bekalan air berterusan yang sudah sekian lama menghantui penduduk negeri itu.

Najib mengakui pada masa ini PAS terpaksa menjawab banyak isu dan kini beradadalam keadaan defensif berbanding ketika pilihan raya umum lalu.

Najib juga positif ketika ditanya adakah ini masa terbaik untuk BN merampaskembali negeri itu setelah diterajui PAS sejak 21 tahun lalu.

"Wallahualam, tapi kita akan cuba sedaya upaya dan semangat di kalanganpemimpin Umno tinggi dan mereka sedia mengharunginya.

"Memang ada tanda positif ke arah BN, tapi kita kena anggap ini satu prosesyang mana kita mesti menjurus kepada perubahan dan penambahbaikan secarakonsisten... kita tidak boleh menganggap satu majlis saja sebagai pengukurnyatetapi ia mesti merupakan sesuatu yang ada kesan semakin hebat ke arah BN,"katanya.

Najib berkata beliau teruja dengan sambutan di luar jangkaan terhadap majlisitu dan dalam konteks ia diadakan di negeri pembangkang, mungkin boleh dilihat sebagai petanda baik kepada BN.

"Saya nak tengok sama ada ini petanda baik atau apa-apa yang kita boleh buatkesimpulan daripada kehadiran yang sebegini besar, kemungkinan mereka inimengharapkan sesuatu perubahan yang berlaku, dan mudah-mudahan itu petanda baik pada BN," katanya.

Beliau bagaimanapun mengingatkan anggota dan pimpinan parti agarmementingkan kesetiaan dan disiplin pada parti dan matlamat mengatasisegala-galanya.

"Itu yang saya nak sampaikan kepada pimpinan Umno peringkat bahagian dancawangan," katanya.

Dalam perkembangan berkaitan, Najib berkata program turun padang beliaudengan Timbalan Perdana Menteri, Tan Sri Muhyiddin Yassin untuk menemui rakyat akan diteruskan bergantung kepada bila pilihan raya umum diadakan.

"Ia tertakluk pada bila pilihan raya umum diadakan, kalau ada masa kita buatlagi, kalau tak ada masa kita adakan pilihan raya umum," katanya. - **BERNAMA**

Hakcipta Terpelihara © 1995-2011 Star Publications (Malaysia) Bhd (Co No 10894-D).

Source:

[http://mstar.com.my/berita/cerita.asp?file=/2011/7/2/mstar\\_berita/20110702210344&sec=mstar\\_berita](http://mstar.com.my/berita/cerita.asp?file=/2011/7/2/mstar_berita/20110702210344&sec=mstar_berita)